



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

5. Ut Rex &c. Bulla Regi Angliæ, se non intromittendo Rebus Ecclesiasticis
in Vasconia tempore vacationis Ecclesiarum: anno 1274.
-

[urn:nbn:de:hbz:466:1-74452](https://nbn-resolving.org/urn:nbn:de:hbz:466:1-74452)

ANNO
1273.

qua commemorare processum : sed sufficit quae sunt postmodum exinde subsecuta tuae Celsitudini nuntiare.

Et quidem memoratus Guido magnae penitentiae signa praetendens, postquam Florentiam venimus, uxoris suae praesentia, & multiplicatis aliis nunciis institit, multaque, ac longa instantia supplicavit, ut ad nostram permitteretur venire praesentiam; paratus simpliciter ut dicebat, nostris obedire mandatis.

Sed multiplici ejus instantia multiplicem opposuit non solum qualitas offensae, saltem in magni temporis dilatione, repulsam, verum etiam cujusdam nostrae deliberationis examen, quo investigandum fore providimus an contriti & humiliati cordis indicia, quae tanta tamque assidua ejusdem Guidonis instantia verisimiliter arguebat, veritatis munimine fulcirentur, an essent velamine simulationis obducta.

Cumque post modum nos contingeret civitatem Florentinensem exire, idem Guido quasi ad duo miliaria, extra Civitatem eandem, nec non & quidam alii, quos ad hoc sibi Comites habuit, depositis omnibus calciamentis & vestibus, praeter camisas & femoralia, cum cordis ad colla, prostratique in terram, se nobis in via exhibere cum lacrimis; & subsistentibus quampluribus, qui erant in nostro, tunc temporis, comitatu, memoratus Guido cum ejulatu non modico, profusis lacrimis, instantis supplicationis verbis effusus, se *ait & bas*, sine tenore, modo vel conditione aliqua, nostris mandatis exponens, petebat humiliter, supplicabat instanter saltem, ubicumque nobis placeret in carcerem se detrueri, & in absolutionis beneficio misericordiae sibi januam aperiri; nullo penitus adjecto in suis supplicationibus, mediate vel immediate, potrectis, per quod alias derogari posset in aliquo praedicto processui, habito contra ipsum.

Sed nec tunc hujusmodi supplicationem ipsius duximus admittendam nec responsum ipse a nobis habuit aliquod, immo redarguimus potius alios assistentes eidem, quod in talibus nec loci nec temporis competentiam observant: Verum urgente tandem conscientia ne deesse justitiae videremur & contra ipsius debitum Ecclesiae claudere gremium redeunt, de fratrum nostrorum Consilio, in hoc condescendimus instantiae supplicantis.

Mandavimus quidem, per dilectos filios nostros R. S. Angeli, & J. S. Nicolai in carcere Tulliano Diaconos Cardinales, in Urbe merantes, Guidoni praefato in Terra Ecclesiae Romanae, in aliqua arce tuta, locum carceris assignari; & propter nostram de partibus illis absentiam, ipsum Guidonem per Carissimum in Christo filium nostrum Siciliae Regem illustrem & alias personas idoneas inibi cum diligentia custodiri, sicut dilectus filius Gerardus de Roscillone, noster familiaris & Clericus, cui super his, quae tibi ex parte nostra duxerit exponenda, fidem indubitata habere poteris, plenius oraculo viva vocis exponet.

Quid autem circa hoc postmodum actum sit nondum ad nos relatio certa produxit: hoc tamen ideo tibi sic feriosè intimanda decrevimus, ne nostrum processum puritatem tertiae linguae malicia in tuae Celsitudinis auribus fermentaret. Datum Lugdun. tertio Calendas Decembris Pontificatus nostri Anno Secundo.

Bullarium Romanum Continuatio Pars III.

L 2

si ali-

Bulla Regi, de Coronatione proroganda; ne vel suus, vel suorum Praelatorum adventus ad generale Concilium impediretur: anno 1273.

GREGORIUS EPISCOPUS,

Servus Servorum Dei, carissimo in Christo filio Regi Angliae illustri salutem & Apostolicam benedictionem.

Celsitudini Regiae, fili carissime confidenter exponimus, quod cum non solum noverimus, sed & palpaverimus zelum tuum, quem etiam praesentia opera manifestant ad negotium Terrae Sanctae, non sine admiratione audivimus te coronationi tuae terminum indixisse, qui cum tempore, quod est indictum generali Concilio congregando, in quo debet specialiter dictum negotium promoveri concurrat.

Propter quod & tua subtraheretur eidem Concilio tanto magis necessaria & grata praesentia, quanto ex eo esse potest utilior in promotione negotii supra dicti quod de necessitatibus terrae illius tibi magis, tamquam experto, creditur, plus consilio Principis tanti favebitur, plures sequaces inveniet benignitas & liberalitas consulentis; & Praelatis Regni tui, vel ab ejusdem coronationis solemnitate, quam tamen desideramus cum solemnitate debita & optata prosperitate procedere, vel ab ipso Concilio, quod dispendiosum foret admodum & absurdum, necessitas absentiae immineret.

Ideoque serenitatem Regiam & paterna sollicitam fiducia, & intento rogamus ac hortamur affectu, quatinus benigna meditatione pensabis discriminibus, quae de tali concursu temporum imminet, illis Sanctis & piis operibus, quae sunt in dicto Concilio promovenda, & specialiter Terrae negotio memorata, sic per accelerationem, vel prorogationem dictae coronationis illis occurras, quod nullo modo propter hoc tuus vel eorundem Praelatorum ad idem Concilium impediri possit adventus; sed praedictorum negotiorum efficax tua, & eorundem Praelatorum promotio, tibi apud Deum aeternae retributionis cedat ad meritum, & apud homines ad laudis titulum sempiternum.

Datum Lugdun. Calendas Decembris Pontificatus nostri Anno Secundo.

Bulla Regi Angliae, se non intromittendo Rebus Ecclesiasticis in Vasconia tempore vacationis Ecclesiarum: anno 1274.

GREGORIUS EPISCOPUS,

Servus Servorum Dei, carissimo in Christo filio Regi Angliae illustri, salutem & Apostolicam benedictionem.

UT Rex qui te ad Regni solium sublimavit, dirigat prosperè gressus tuos Jura Ecclesiastica, immo sua debes tuis temporibus illibata facere conservari, & Ecclesias, ac personas Ecclesiasticas a suis oppressoribus regalis potentiae brachio defendere. Sanè ad audientiam nostram venerabili fratre nostro Auxitanensi Archiepiscopo referente pervenit, quod

ANNO
1273.
IV.

Ex Angl.
Arch. Rimer
Tom. 2. pag.
20.

V.
Ex Archiv.
Rimer Tom.
2. pag. 36.

ANNO
1273.

si aliquam ex Ecclesiis Cathedralibus Provinciae Auxitanensis vacare contingat; Nobilis Vir... Senescallus tuus in Vasconia administrationem bonorum temporalium ipsius Ecclesiae vacantem quamdiu eam vacare contingit, contra iustitiam occupare, ac detinere occupatam pro sua voluntate praesumat, quanquam nulla ex eisdem Ecclesiis à te Regalia teneat, idque tibi, vel dicto Senescallo non competat de consuetudine vel de Jure.

Cum igitur laicis disponendi de rebus Ecclesiasticis nulla sit attributa potestas, serenitatem Regiam rogamus & hortamur attentè, quatenus talia, quae redundant in tui derogationem honoris per eundem Senescallum fieri nullatenus patiaris; Sed Ecclesias ipsas, pro divina & nostra reverentia, habens propensius commendatas, eas & bona ipsarum in suis iuribus & libertatibus favore Regio prosequaris; ita quod praeter divinae retributionis praemium condigna tibi à nobis proveniat actio gratiarum. Datum Lugduni decimo Calendis Septembris Pontificatus nostri Anno tertio.

V I.
Ex Archiv.
Aug. Rimer.
Tom. 2. pag.
36.

Bulla Levelino Principi Valliae, de quadam compositione, per Praelatos inter dictum Levelinum & Davidem Fratrem suum: anno 1274.

GREGORIUS EPISCOPUS,

Servus Servorum Dei, dilecto filio nobili viro, Levelino Principi Valliae salutem & Apostolicam Benedictionem.

Cum à vobis petitur quod iustum est, & honestum, tam vigor aequitatis, quam ordo exigit rationis ut id per sollicitudinem Officii nostri ad debitum perducatur effectum.

Sanè petitio tua, nobis exhibita continebat, quod dudum inter te, & nobilem virum David Fratrem tuum, super quibusdam Terris, Possessionibus & Rebus aliis, materia quaestionis exorta; tandem mediantibus venerabilibus fratribus nostris Bangoren, & Assaphen Episcopis, Amicabilis super his inter partes compositio intervenit, de observanda compositione huiusmodi hinc inde corporali praestiti juramento: Et nihilominus iurisdictioni eorundem Episcoporum super hoc eo modo vos submittere curavistis, videlicet ut dicti Episcopi in partem, contra compositionem praedictam venientem, possent censuram Ecclesiasticam exercere, ac obscuritates ipsius compositionis, si fortassis emergent interpretari, & etiam declarare, prout secundum Deum viderent qualitati negotii, & quieti earundem partium expedire.

Postmodum verò, super quibusdam articulis, in compositione ipsa contentis, qui in aliqua parte sui debitum & obscuritatem habebant inter praedictas partes quaestione suborta iidem Episcopi prout ex forma huiusmodi submissionis poterant, in praefatis articulis circa dubium & obscuritatem praedictam quandam interpretationem & declarationem fecerunt providam & salubrem; prout in litteris inde confectis eorundem Episcoporum Sigillis munitis plenius dicitur continere.

Nos itaque, tuis supplicationibus inclinati, interpretationem & declarationem praedictas, sicut providè factae sunt, ratas & gratas habentes, illas auctoritate Apostolica confirmamus, & praesentis scripti patrocinio communimus. Nulli ergo hominum omnino liceat hanc paginam

nostrae confirmationis infringere, vel ei ausu temerario contraire.

Si quis autem hoc attentare praesumpserit, indignationem omnipotentis Dei, & beatorum Petri & Pauli Apostolorum eius se noverit incursum.

Datum Lugduni 15. Calendas Septembris Pontificatus nostri Anno tertio.

MARTINUS II. DICTUS IV.

Vide Compendium Vitae in Magni Bullarii Romani Tom. I. hujus Editionis Luxemb. 1727. fol. 157.

Processus habitus contra PETRUM Regem Aragonum, anno 1282. Indictione undecima.

MARTINUS EPISCOPUS,

Servus Servorum Dei, ad certitudinem praesentium, & memoriam futurorum.

Longa fere series, ipsiusque diffusa narratio, cui vix tempora multa sufficerent, ratio grandi nimirum audientes afficeret, si quondam Friderici olim Romanorum Imperatoris, posterorumque suorum culpas horrendas, & excessus infandos, ab ipsis contra Deum, & contra Romanam Ecclesiam commissos, ac processus perinde per Romanos Pontifices praedecessores nostros ritè habitos contra ipsos, poenaeque iuste illis indictas repetitio seriosa narret. Ideoque summa rerum fastigia, prout imminentium casuum necessitas exigit, absque seditionis injurià materia patitur, decrevimus prosequenda. Et quidem communem non credimus latere notitiam, qualiter felicitis recordationis Innocentius Papa quartus praedecessor noster, memoratum Fridericum, qui se per eosdem suos excessus & culpas innumeras indignum Imperio & Regno, omnique honore ac dignitate reddiderat, in Concilio Lugdunensi, eodem approbante Concilio; propter suas iniquitates à Deo ne regnaret vel imperaret, abjectum ostendit, & denuntiavit omni honore ac dignitate privatum à Domino, & nihilominus sententiando privavit, ut in eisdem praedecessoris sententià contra ipsum Fridericum lata plenius continetur.

Qualiter etiam post eisdem Friderici obitum licet Regnum Siciliae ad dispositionem Ecclesiae Romanae, cuius Juris & proprietatis existit, esset liberè devolutum, idemque praedecessor de illo se provisorum in eodem Concilio publicè praedixisset, quondam Conradus dicti Friderici natus, quamquam in eodem Regno ex ipsius sui primogenitoris successione nullum penitus jus haberet, tamen sicut ex praemissis apparet, nec ille mortis suae tempore habuisset, nec aliàs eidem Conrado jus competeret in eodem, ipsum Regnum temerariè praesumptione occupavit, nec illius recentioris facti memoriam obliteravit oblivio, videlicet quòd ipso Conrado subtracto de medio, quidam Manfredus tunc Princeps Tarentinus, quem velut de copulà damnatà susceptum, à dicti Regni successione non solum praemissa eisdem Friderici privatio, sed etiam macula illegitima nativitate arcebat, contra juramentum fidelitatis, quod dicto praedecessori praestiterat, temerè veniens sub quondam Conradini nati dicti Conradi, sui que nepotis, simulatà protectione tutori ad

ANNO
1274.ANNO
1281.I.
Ex spicil.
Dacheri
Tom. 3. n.º.
ed. pag. 684.In Concilio
Lugdun. Fridericus Imperio spoliatus.Manfredi
Gesta.

quasi